

CRITERIOS DE CORRECCIÓN DA SEGUNDA PROBA DO SEGUNDO EXERCICIO E INSTRUCCIÓN PARA A SÚA REALIZACIÓN.

O tribunal do proceso selectivo para o acceso á escala auxiliar, subgrupo C2, pola quenda de acceso libre, convocado pola resolución reitoral do 20 de xuño de 2024 («DOG» núm. 126, do 1 de xullo de 2024), en cumprimento do previsto no anexo I da convocatoria, que establece que «antes da realización de cada exercicio, o tribunal deberá ter aprobado e publicado os criterios de avaliación e corrección», e tendo en conta o disposto en relación coa segunda proba do segundo exercicio, relativo a que:

«Consistirá na realización dun suposto práctico proposto polo tribunal, cuxo contido deberá incluír todos os temas do anexo II agás os 3 primeiros. O suposto consistirá en cincuenta (50) preguntas tipo test, máis cinco (5) de reserva, con catro respostas alternativas. Cada resposta incorrecta descontará un cuarto (0,25) dunha correcta. O tempo máximo para a realización desta proba será de 100 minutos e cualificarase de 0 a 45 puntos, e será necesario para superalo obter un mínimo de 22,5. Corresponderalle ao tribunal determinar o criterio exixido para acadar esta puntuación mínima.»

ACORDOU:

Primeiro.- Establecer o número de respostas correctas para obter o mínimo de 22,5 puntos para superar o exercicio en 33 respostas correctas, unha vez descontadas as incorrectas.

Segundo.- Informar as persoas aspirantes dos seguintes aspectos organizativos para a realización da proba:

- a) A proba, segundo se publicou o 24 de xuño de 2025, realizarase na AULA «A» da Facultade de Ciencias Económicas e Empresariais da USC (Avenida do Burgo das Nacións, s/n, 15782, Campus Norte, Santiago de Compostela).
- b) As persoas aspirantes da cota de reserva para persoas con discapacidade realizarán a proba nunha aula contigua á AULA «A», que estará debidamente indicada o día da proba.
- c) A entrada á proba, en ambas as dúas aulas, realizarase seguindo a orde de chamamento establecido na convocatoria, pola letra «H», e iniciarse a partir das 9:30 horas.
- d) As persoas aspirantes que non comparezan serán excluídas da oposición, agás nos casos de forza maior, debidamente xustificadas e considerados polo tribunal.
- e) As persoas aspirantes deberán presentar para a realización do exercicio co DNI ou con outro documento que, a xuízo do tribunal, permita acreditar de xeito indubidable a súa identidade (DNI, pasaporte ou carné de conducir).
- f) As persoas aspirantes deberán acudir provistas de lapis número 2 e goma de borrar.
- g) A duración do exame será de 100 minutos, salvo para as persoas que teñen recoñecida adaptación de tempo, en cuxo caso será o tempo que xa se lle notificou no seu día a cada unha delas.
- h) As persoas aspirantes non poderán abandonar a aula até que remate o tempo de exame. Non poderán levantarse até que o indique o tribunal. Unha vez finalizado o

exercicio, o tribunal dará as instrucións para a recollida ordenada dos exames e a saída da aula.

- i) No momento do chamamento faráselle entrega a cada persoa aspirante dun xogo de etiquetas identificativas cun código de barras. No suposto de precisar un certificado de asistencia, deberallo indicar ao persoal colaborador no momento en que lle entregue as etiquetas identificativas, e deberao recoller ao remate da proba.
- j) Prégase que manipule con coidado a etiqueta. A manipulación da etiqueta pode provocar que o código perda nitidez e problemas na lectura.
- k) Coloque correctamente a súa etiqueta co código de barras no recadro que se encontra na parte inferior do lateral esquerdo da folia de respostas, no cal se indica «A CUBRIR POLO EXAMINANDO», e no sentido do debuxo indicado na folia.



- l) Para garantir o anonimato na corrección dos exames, non consigne sinaturas, nomes, marcas ou calquera outro sinal ou indicación que permita a súa identificación. O tribunal excluírá aquelas persoas aspirantes que consignent na folia de respostas datos que permitan coñecer a súa identidade.
- m) A folia de respostas para cubrir é de uso xeral na USC e permite o seu uso en exames con ata 5 respostas alternativas. Porén, a proba para realizar só ten catro respostas alternativas. Utilice só as opcións “A”, “B”, “C” ou “D”.



- n) Sinala correctamente a resposta correcta. A pregunta que teña máis dunha resposta marcada non computará.
- o) Para corrixir unha resposta, borre completamente as marcas erróneas (teña en conta que a folia de respostas é autocopiativa). Sempre prevalecerán as marcas que estean feitas na folia de respostas que estea en poder do tribunal.
- p) Só se tomarán en consideración, para sumar ou para restar, as respostas que sexan *sinaladas de xeito adecuado* na folia de exame. Enténdese por respostas *sinaladas de xeito adecuado* as que se cubran segundo se indica na cabeceira da folia de



exame e nas que se marque soamente un dos catro cadros identificados coas letras “A”, “B”, “C” ou “D”.

- q) As repostas sinaladas de xeito diferente ao indicado no apartado anterior (respostas

así non sinala:



en branco, respostas cubertas de xeito incorrecto , respostas sinaladas

no cadro identificado coa letra “E”, respostas sinaladas con máis dun cadro), non se terán en conta e, polo tanto, non computarán, nin para sumar nin para restar.

- r) A folla de respostas deberalla entregar ao tribunal cando lle sexa requirida, e este é o único documento acreditativo das respostas para os efectos de ser cualificado. O tribunal faralle entrega da folla autocopiativa, que poderá levar xunto co caderno de preguntas.

Terceiro.- Serán causas de exclusión as seguintes:

- Abrir o sobre que contén o exame ou comezar a realización do exercicio antes de que o indique o tribunal.
- Continuar escribindo cando o tribunal indique que rematou o tempo de exame.
- Falar, copiar, intercambiar exames ou información co exterior ou con calquera persoa participante no proceso selectivo.
- Non se poderá acceder ao exame con teléfonos móbiles, axendas electrónicas, reloxos intelixentes ou calquera outro tipo de dispositivo electrónico. O tribunal non disporá de ningún tipo de sistema de depósito para a recollida e custodia deste tipo de dispositivos non autorizados. Á persoa aspirante que lle soe o teléfono móbil durante a realización do exame deberá entregar a folla de respostas e será excluída do proceso.
- O tribunal vixiará as conexións a redes sen fíos non autorizadas que se detecten nas aulas.

Santiago de Compostela, na data da sinatura electrónica.

O presidente do tribunal
Félix Navaza Aller

Taboleiro electrónico da Sede Electrónica:

<https://sede.usc.es/sede/publica/taboleiro/inicio.htm>

Páxina web das convocatorias da Subárea de Planificación de PAS:

<https://www.usc.gal/es/institucional/gobierno/area/gestionpersoal/PAS/oep/listado>

Sinatura dixital / Firma digital / Digital signature

Asinante/Firmante/Signer: FELIX NAVAZA ALLER, NIF ***9602**, 08/09/2025 12:39:21.

CSV: C953-8FEA-4682-9D06